



## Universitätsbibliothek Paderborn

### **V. P. Gasparis Druzbicki, Societatis Jesu, Opera Omnia Ascetica**

Aucta Duobus Opusculis De Effectibus, Fructu, Et Applicatione Sanctissimi  
Missæ Sacrificii, Et De Sublimitate Perfectionis Religiosæ. Catalogum  
Tractatum Asceticorum Omnium Vicina Post Dedicacionem Pagina  
Indicabit

V. P. Gasparis Druzbicki, Societatis Jesu, Fasciculus Exercitiorum Et  
Considerationum, De Præcipuis Veritatibus Christianæ Fidei Et Sapientiæ -  
Ad efformationem Christianæ vitæ, consecutionem salutis æternæ  
collectus: & usui accommodatus

**Druzbicki, Kaspar**

**Ingolstadii, 1732**

**VD18 90066332**

Exerc. 4. De Motivis excitantibus ad ferendam opem Animabus Purgatorii.

**urn:nbn:de:hbz:466:1-45396**

incipere æstimare, & formidare: tandem te miseratio capiat, tot, tamque Sanctarum, & subsidii indigarum, tamque intolerabilibus cruentibus involutarum Animarum: & simul ad opem illis ferendam; simul ad pœnarum illarum obligationem, abs te ipso, dum hic vivis, avertendam, abolendamque, omni studio accingere.

P R A X I S.

Oratio Ecclesiæ Fidelium Deus &c.

Vel Oratio de S. Sindone: quæ quoties dicitur toties Anima liberatur.

DEUS, qui nobis in Sancta Sindone, quâ Corpus tuum Sacratissimum, de Cruce depositum, à Joseph involutum fuit, passionis tuæ vestigia reliquisti: Concede propitius, ut per mortem & sepulturam tuam, ad resurrectionis gloriam perducamur. Qui vivis, & regnas cum DEO Patre in unitate Spiritus Sancti DEUS, per omnia secula, &c.

EXERCITIUM IV.

De Motivis excitantibus ad ferendam opem Animabus Purgatorii.

1. Statue te coram Purgatorio Animabus pleno, pœnis referto, & ejulatibus dolentium resonante.

2. Excita te ad fervens studium satagendi pro Animabus illis: easque quàm diligentissimè & efficacissimè à pœnis illis expediendi.

1. Excitet te ad hoc studium, (præter jam in aliis Exercitiis prædicta) Sanctissimæ Trinitatis desiderium, atque placitum: quo illa optat

Handwritten notes in the right margin, including the number '11' and '7'.



Animabus purgatorii à nobis subsidium fieri, adhuc in hac vitâ degimus, & maximam communitatem ad id præstandum habemus. Ne cum Animæ illæ sint Deo dilectæ, desiderant vehementer Deus admitti illas ad beatitudinem, fruitionem, laudationemque sui: nisi adhuc consisteret justitia sua. Huic ergo justitiæ satisficere cum à nobis commodissimè possit, impensè Deus vult, summèque illi gratum est. Quamquam justitiæ Dei fieri satis, idem est, quod accipere liberationem desiderii illius Divini, quæ Deus fertur ad Animas illas glorificandas, finemque ultimo fini, & Summo Bono æternam uniendas: quod Deus non minore, imò longe majore desiderio cupit Animabus præstare, quam ipsæ sibi præstari desiderant Animæ.

2. Excitete ad idem studium, Jesu Christi Domini, Redemptorisque Animarum, voluntas sanè ardentissima. Quid enim Jesus magis cupiat, quàm Animas tanto suo labore, sumptibusque, & suæ, & illarum, hîc in Mundo vitæ tempore, quæsitæ: tandem tandem completionem salutis, & beatitudinis obtinere? in quo, cum illas status purgatorii præpediat, ab hoc impedimento, per nostram pietatem, satisfactionemque liberari, optatissimum, gratissimumque Christo est. Maximè cum Animæ illæ sint Christi Domini membra: eidemque in illo charitate perfectâ unitæ. Maxime item, cum beatitudo Animarum, sit ultima merces omnium Christi laborum, passionum, ac meritorum: idè non potest illis Animabus gratia præstari vel negari à nobis, quin simul valde immediate vel præstetur, vel denegetur ipsi Christo.



3. Excitet te ad eandem pro Animabus Purgatorii sollicitudinem, Pretiosissimæ Dei Parentis studium: cujus sicut voluntas conjuncta est cum voluntate Filii; ita neque Honor est separatus: neque studium in juvandas illas Animas dispar: quare sicut summè desiderat Beatissima Mater, finalem Animarum illarum in Deo requiem, per istudque, ultimam Dei à suis Creaturis exaltationem, nec non ultimam etiam Christi sui Filii meritorum mercedem; ita eas à nobis sollicitâ pietate juvari, est eidem Matri Virgini gratissimum.

4. Excitet te ad eandem in Animas Purgatorii Charitatem, Angelorum, omnium quidem, qui per Animarum nostrarum beatitudinem, ruinas cælestis suæ Jerusalem instaurari tam gaudent, quàm optant: potissimum tamen custodum Angelorum studium, in hanc rem est longè maximum. Auxilio enim quod nos præstamus Animabus Purgatorii, acceleratur, completus fructus Custodiæ laborisque ipsorum circa Animas: quod absque dubio Angelis Custodibus est perquam gratum. Maxime quia tunc temporis, & in tali statu positis Animabus, nos auxilio sumus, quando Angelorum, etiam Custodum, circa Animas Purgatorii, vel cessat, vel fermè sterilis fit, quantum ad allevationem pœnarum in eis, diligentia, & industria custodiendi. Tantùm enim juvare possunt Animas vel nos excitando: vel Deum, ut nos excitet, precando, ad præstandum Animabus per nos subsidium. Quo solo modo Angeli Custodes, & Animas suas, & seipsos solantur in suâ erga Animas easdem pietate, atque Charitate: quæ

N. n 5

& sum-

Handwritten notes on the right margin, including the number 7 and some illegible characters.



& summa in eis est, & valde compassiva, ac proinde nostra pro Animabus cura, valde est grata.

5. Excitet te ad idem pro Animabus purgatorii studium, Sanctorum cum Deo regnantium cupiditas ejusdem in te erga Animas illas studi. Amant enim Sancti illi, Animas hasce plurimum & vehementer cupiunt earum secum in beatitudine conjunctionem: sicuti & valde dolent (quo dolere possunt modo) earundem à se adhuc abjunctionem durare: Cujus abjunctionis solutio, & conjunctionis accessio, non potest non esse Beatis jam sanctis, cum augmento accidentalis alicujus gloriæ, in Beatis omnibus ac præsertim in illis, qui aliquando quapiam ratione magis conjuncti fuerunt, vel sunt, cum Animabus talibus. Quare quando nos de his patientibus Animabus benè meremur, & beatitudinem illarum nostrâ Charitate acceleramus: hoc etiam ipso plurimum meremur de ipsis Beatis in Cælo regnantibus.

6. Excitet te ad idem studium, desiderium ipsarum Animarum purgatorii: non illud solum, quo illæ optant à malis pœnarum solvi, & beatitudinis suæ bono potiri: sed illud præcipuè; quo illæ Deum optant propter Deum: & propter ejus gustum, atque gloriam de se in Deum redundaturam, optant etiam uniri Deo: eique ultimum fructum de seipsis reddere: & pro ejus circa se Providentiâ, tantâ, tamque efficaci similiter, tam sumptuosâ, tam constanti, tam persuam multiplicem indignitatem, & ingratitude nem morosâ, & molestâ, etiam in ipsâ purgatione per Purgatorium exhibita, gratiarum actionem



nem finalem, beatificèque consummatam, exhibere. Ipsum enim Purgari, bonum Animarum est: & nolent illæ impurgatæ ad Cælum, Deique visionem beatificam venire, esto vellet id Deus eis indulgere.

3. Ut ergo, tot, tam Sancta, tam justa, tam magnavota Angelorum, Pretiosissimæ Dei Matris, Domini & Dei, Redemptorisque nostri Jesu Christi, demumque, ac super omnia Sanctissimæ Trinitatis, expleas; accinge te ad ardens, impensum, assiduum, ac liberale studium; ferendi Animabus, prout cum Divinâ gratiâ, secundum statum tuum prævalebis, auxilium, atque suffragium.

*P R A X I S.*

*Oratio Ecclesiæ. Fidelium Deus &c.*

Vel de Sancta Sindone: quæ quoties dicitur, toties Anima liberatur.

*DEUS* qui nobis in Sacrà Sindone, quâ corpus tuum Sacratissimum de Cruce depositum, à Joseph involutum fuit: Passionis tuæ vestigia reliquisti: Concede propitius: ut per mortem ac Sepulturam tuam, ad Resurrectionis gloriam perducamur. Qui vivis, & regnas cum DEO &c.

*EXERCITIUM V.*

*De aliis motivis juvandi Animas purgatorii.*

1. *Statue te, coram Purgatorio Animabus pleno, cruiatibus referto, & ejulatibus miserabilibus resonante.*

2. Ex-